


# HEI SA MO JESU KATHI?



## 1. Ajarchu nikhenga mi kaset me kae!

Mark 2:17 “Khana Jesun kha athei pha anhnenga akadam sik ah thempu rangei mak; tak aka dammak sik ah arangei: Kei mikadik hei kabek sik a akajong eng changmak, tak mi kaset hei malung thleng thei nasik aka jong eng kae.”

Romans 3:10 “Hinga hin inshun, mika dik tute ommak, inkhat bek omamak.”

Matthew 18:11 “Ajarchu mihring sapa kha anhmang hei kahuk a akajong kae.”

## 2. Ajarchu khava set na kha aman ka om!

Matthew 15:18-20 Takkha bei a inphut kasok kha lungria inphut ahong kasok kae; khana khava khan mi aman theng mak kae. Ajarchu lungria inphut akatha mak mandonna hei, mi than a, jongna, khana thrat mak omchen tlo na, maleisei sakhi, mihri maset nahei ahong kasok kae. Hiva hei seeng hin mi aman theng mak kae.

Romans 6:23 “Ajarchu set na talho sot khachu thina; takkha Pathen tapek mankase khachu, Rongpu Jesu Christa leh inchunna sunga kumsot hring na kae.”

Mark 16:16 “Tu achang innum akataksen a Baptist kachang mikha hukmanhring achen sik; tak akataksen mak mi khan maset achen sik kae.”



**Khava set na kha aman ka om!**

### **3. Ajarchu Jesu cross a akathi a niman kha apek jo kae!**

Matthew 1:21 “Ama nun sapa inkhat anei sik, khana arahming JESU nati kae ajarchu ami hei aman anset na inphut ahuksot sik hei.”

Romans 5:8 “Takkha eini mikaset niching laitak eini heisik jarra Christa kha kathi jo, hiva hi Pathen in eini hintuk hrep alungset na me kha amalar na kae.”

John 3:16 “Pathen in vahnoi ralei hintuk hrep alungset jarra, asapa inkhat ruk kha apek jo, tuachang innum ama kataksen rakip thia inhmang mak ning, tak kumsot hring na anei jo.”

Matthew 18:11 “Ajarchu Mihring Sapa kha anhmang hei kahuksot sik ah akajong kae.”

### **4. Huk-manhring hi mankase khutchoi kae, tron tlo man changmak. Pathen trong nan ralang sik, khana Jesu ruk na taksen sik!**

Ephesians 2:8-9 “Hei jarra mo niti’n chu taksen jarra Pathen marit na khan ahuk manhring jo che kae. Hiva hi nan bing tak in tlo na kara achangmak jarra, inlen sak nasik heite ommak”

Titus 3:5 “Khava jarra eini tron kathra nitlo jarra changmak, takkha Rathla vang khan hringkho ther ah intet ther na apek me ah arasi mantheng me, khava jarra lungset marit a ahuk man hring me kae;”

Acts 4:12 “Huk manhring nahi amaruk a anhmuk sik kae, ajarchu eini inhuk inhring thei nasik hi Pathen in vahnoi ralei chungu tute milak rahming a apek om mak ati.”

### **5. Huk manhring ni chen thei nasik Christa taksen sik!**

Mark 9:23 “Jesu’n ahnenga ahri a, kadik nang in nataksen tor inchu, taksenna kanei mi sik ah heirakip kachang thei pet ati a kae.”

Mark 1:15 “Khana ahria a apha katluk jo, Pathen rengam kha kahnai jo, nan malung thleng unna trong kathra kha taksen ruh atia kae.”

Mark 10:15 “Kadik tak a kahri pek che kae, tu achang innum Pathen Rengram kha hiva naipang inkhat kapo achang mak inchu, khava hmun kha lhut tor her mak ning.”

Romans 10:9-10, 13 “Tichu namalung ahnom a, nabei in Jesu kha Rongpu kae ti nahri sot inchu, khana ama thina inphut Pathen in akei mathoi jo ti na malung sunga taksenna nanei inchu nang huk manhring kachang sik che. Ajarchu einin nihnom na kha nibe a nihri sot jo, khana huk manhring kachang jo me ti ni malunga ni taksen jarra Pathen leh kadik a adasap jo me. Trong- intheng in tuachang innum Rongpu rahming kabe rakip huk manhring kachang sik hei ati.”



### **Christa ruk taksen roh!**

*Jesu Christa hi nang kahuk inhiring pa kae tia naralhang hnom inchu, khana Pathen hnenga inphut ngeidam na kha nachen hnom inchu, hin nader thei derna kaom. Hiva derna vang achang mak leh derlhop nei na vang huk manhring nachen bat sik chang mak. Hiva hichu Pathen hnenga na taksen na phong dan derna, khana na set arangeidam che jarra Ama hneng manpak na pek dan ka-eh.*

**"Rongpu,**

**Kei mi kaset eng kae ti kamanhret. Kaset na kara kachen sik ah rahoi kasok eng kae ti kamanhret, khava khachu thina hmeikhur. Kha achang jo ravang Jesu Christa hi ka kahuk inhiring Pa kae ti kataksen. Ama athi a athoisot nahin kei rangeimandam amanchen eng ti ka taksen. Jesu ruk hi ka kahuk inhiring Pa Rongpu kae ti ka taksen. Nahuk sot eng a narangei mandam eng jarra ka manpak che Rongpu! Amen!"**